

昨日名卑心不樂今朝名重復如何人情未解平常足空惹貪
求罪業多

詠今古

太古玄風事若何無爲無作自清和嗟嗟衰世人情厚種下無
邊業障魔

人求題架鶴圖

靈明俊健貼天摩降伏機關保太和常似目前休歇去等閑不
放過新羅

深入峽裏遊團山道院留題

滾滾長河千里來亂山重疊峽門開勢隨曲屈無窮數流入東

道藏輯要

葆光集

五

胃集十

洋幾去迴

又

二峽崢嶸氣象雄團山水浸畫屏中眼前妙景紅塵外疑是蓬

萊第一宮

武川送道友至樊山縣回三絕

武川別後卻歸燕際會應難仗有緣早是琳宮催督緊那堪石
炭鬪生烟

又

只爲吾師葬古燕蹉跎應物且隨緣修真最怕傷和氣養性休
生火與烟